

封邱縣續志卷一

通紀

此紀多本縣檔卷及採訪冊故不逐條標註

紀一

清

康熙三十六年知縣耿紘祚重修縣志

先是知縣孟鏐奉令續修縣志未就卒於官後任耿紘祚繼其事是年告成

六十年旱饑

雍正元年黃河溢上發帑賑並免田賦

二年霖雨災賑

三年河溢發倉給賑免賦

五年開縣北渠七道縣南渠五道縣東渠一道

詳河渠

封邱縣續志

卷一 通紀

清

開封新豫印刷所承印

乾隆十六年六月河決陽武趨封邱

時河決陽武所屬之陽橋災及封邱辛口等八社知縣曾興柱詳准施賑免

徭

二十二年大雨毀城

二十六年久雨河溢災蠲恤

二十七年重修縣城

四十三年黃河溢災賑

四十四年大水蠲賑

方伯江蘭以民多乞貸命當商減利三分之一封民戴德爲立生祠

四十七年黃河溢災賑

四十八年三月封邱改屬衛輝府

四十九年大饑蠲緩丁漕

五十一年旱蝗給貧民一月口食

五十二年知縣陳所蘊立牌車牌馬法

先是差徭無定里胥舞弊恆多病民至是所蘊分二十六社差地等則定牌車牌馬法令民輪流支差減輕徭役

嘉慶八年河決衡家樓災賑蠲

是時水勢滔天斜趨東北災及封境八十餘村一支直衝縣城南門知縣蔣萬寧率衆堵防南門塌陷水始繞城而西蔣又請賑減徭以蘇民困

九年衡工合龍

封邱縣續志

卷一 通紀 清

二

開封新豫印刷所承印

十六年免神馬等社土塘河塌沙壓丁地

衡工合龍之次年知縣蔣萬寧卽呈報沙壓行糧地二百二十頃二十八畝三分四釐未蒙豁免至是年六月知縣全福查明神馬等十五社土塘河塌沙壓地三百二十四頃六十九畝具冊詳准豁免

十八年饑

二十六年秋雨傷禾緩征

道光五年二月黃風六月雪

二月二十六日黃風六月雨雪

六年二月黃風三日

二十五日未時黃風起次日更大三日方止房屋多毀二麥盡死

七月挑濬文岩渠

七年十一月大霧十七日

十年地震三次

閏四月二十二日地震五月五日大震初十日又震

十一年秋地震冬奇寒人畜樹木多死

八月二十三日亥時地震十二月初八日井水結冰厚二寸許樹木多枯飛鳥絕跡河封七十餘日

十二年秋大雨爲災賑恤

是年七月大雨二十三日房屋田禾多被衝毀幸得官紳力辦急賑稍甦飢困至冬十一月更值台灣之亂派兵往剿道經封邱來往支差爲苦尤甚

封邱縣續志

卷一 通紀 清

三

開封新豫印刷所承印

十三年知縣劉省勳就江公祠設立義學

十六年六月挑挖天然渠

自延津太行堤缺口堵塞後所有陽武分洩之水悉歸天然文岩二渠詎渠間淤塞一經大雨每多漫溢知縣張昀稟請各憲興工挑挖

二十五年大饑緩征

二十七年大饑知縣郭景偁竭力辦賑民得稍蘇

是年旱魃爲虐麥禾未種飢民嗷嗷知縣郭景偁多方請賑募捐大口月給穀三斗小口減半及秋雨始降給以麥種

二十九年饑

咸豐四年縣民劉超衆等率衆闖堂

封以荒劫之後十室九空卽應完田賦亦多不能按時獻納至是民欠上年之錢糧求緩不得知縣杜宇昕且從而急之縣民劉超衆糾合鄉衆於二月二十日進署滋鬧杜令聞訊脫逃大堂煖閣及各房窗戶多爲擊壞又將案卷焚燬臨行復將正堂印信取去至三月二日上委郭鳳恩署理縣事以迫緝過急於六月二十六日早晨城隍廟照壁粘帖言所失印信在城隍廟後井中當經派人打撈果得

五年銅瓦廂決口封邱東五社被災蠲恤

是年六月十八日酉時蘭陽汛三堡銅瓦廂決口黃流北下黃陵板堂賈色李雄馬村五社水深數尺居民登屋升樹嗷嗷待斃知縣徐振瀛除放饌施席暫救飢溺外又據實上詳代民請命凡被災貧民撫恤一月口糧並給塌

封邱縣續志

卷一 通紀

四

開封新豫印刷所承印

房修費更蠲緩黃陵全社板堂小王庄黃陵集二村丁漕

七年三月重修文廟

詳縣學

十一年東匪郭秉鈞自西竄封因防守堅固乃焚掠東去

是年春知縣駱文光以捻匪倡亂延及河北有獲嘉匪李占標者乘機響應聚衆擄掠駱令恐封城不固難資保衛乃浚池脩城編訓鄉團講演陣法以防亂階屆臘月初三日捻匪郭秉鈞焦桐昌等果率其醜類自西竄封因城堅守固倉猝難圖乃焚掠而東

同治元年十二月知縣駱文光創建正義書院及考棚

詳教

四年旱災准將三年民欠丁耗緩至五年秋後帶征

七年三月捻匪張樂行竄封清軍門郭葆昌劫營受傷匪亦東去

初擒匪張樂行綽號小閻王自邙山履冰渡河以圖河北清軍門郭葆昌藩鎮崔長泰周占魁等協力追襲該匪於是月初九日自陽武竄入封境郭軍門躡其後營於北郊之郭廠偵知樂行駐縣北八里岳寨村探其口號黃夜率領武士十餘人劫其營冀得匪首詎樂行生性狡黠夜每數遷宿無定處未得就擒反陷賊穴武士盡陣死葆昌受創伏水坑中危急間幸得援軍救入城養傷賊逸去官兵四出打糧民之畏兵反甚於畏匪矣

十年重修文廟詳建置

十二年九月知縣張葆森挑挖縣境三渠

光緒二年饑賑

三年大饑人相食賑恤詳掌故

封邱縣續志

卷一 通紀清

五

開封新豫印刷所承印

五年知縣李永吉分設義學詳教

十一月重修書院及考棚詳教

十九年三月雨雹

三月二十三日雨雹大如核桃厚至半尺二麥無存草木多死

二十一年淫雨為災

二十三年旱

二十七年春黑風數起二麥不登秋禾又被蝗蝕

正月十九日辰時北風陡作砂飛漫天白晝為晦戌時方息二十九日巳時又起昏黑如前亦於戌時息二月初九日復然十四日西北風又作蔓延數日二麥連根吹去夏旱秋蝗晚禾多為所蝕

十一月德宗回鑾道經封邱

初拳匪之亂聯軍入京帝及慈禧后出奔西安翌年議和乃自西安由汴回鑾道經封邱知縣黃庭芝預於數月間修行宮闕御路設營膳所於城隍廟後街海羞山積廚夫絡繹於初五日晚駕駐開屬辛店集至初六巳時駕始幸封萬民瞻仰跪道呼萬歲遇老者賜銀牌以示優異入行宮僅御茶點卽乘鑾去經大村行宮稍休西幸延津事後官紳升級丁漕緩徵

二十八年大風雨雹

二月暴風殺麥五月三日雨雹傷禾八月二十七日西北風大起三日方息晚禾盡死

二十九年三月初七日黃河水溢

封邱縣續志

卷一 通紀 清

六

開封新豫印刷所承印

三十年正月十六日巳時雷

三十二年濬渠雨不爲災

知縣姜麟書甫下車卽令民將境內天然文岩支渠逐節挑濬五月二十五日午時大雨如注平地水深數尺城鄉房屋倒塌無算越日又大雨因渠身通暢水不壅塞田禾未至受害

三十三年自春徂夏不雨

宣統元年春多暴風五月終始雨

民國

民國元年二月奉令改用陽曆

八月裁驛歸郵

清制往來公文縣署養驛馬六匹以備轉送是年八月封設郵務代辦支局知縣郭之炎奉令裁驛歸郵

二年饑知縣郭之炎奉令開倉賑濟

三年二月裁免官價

清制官吏購物僅給半價名曰官價積弊相沿由來已久迨清末葉此風更劣一物之價層層剝扣及到民手所得不過十分之一甚有一遇公務動以辦差爲名責令民間出物供支於是各行巨商大賈及零星小販無不受累光緒九年五月曾令裁免而官吏遷延訖未施行至是月之十五日知縣郭之炎遵飭出示凡支官物品一律革除

四月縣知事郭之炎倡辦清鄉局

封邱縣續志

卷一

通紀

民國

七

開封新豫印刷所承印

九年大旱五穀不登民多流亡賑恤冬雪屢降深二三尺樹木凍死

十年夏大雨黃河水溢

損傷田稼房屋亦多倒塌災及三百一十四村

十一年春宏威軍營長趙步雲以招降桿匪武林等駐封

河南宏威軍營長趙步雲新收湯武林涉等七縣桿匪武林大金寶等數百人駐封編制名爲游擊隊以武林爲營附率該部居城外步雲以原帶官軍居城中但新收者既無紀律又乏餉需索糧索料騷擾不堪而又時出架票勒令回贖至四月調赴鄭州作戰旋又敗退河北道經封城將欲作亂知縣鞏思溫一面令人戒備一面親出犒師以致該軍未得入城僅駐西關片刻北去

九月十五日省憲派送旗民到縣

開封裏城旗民共計男女老幼尙有七百餘名至是發往各縣設法安置於月之十五日派員送到旗民四十五名知縣鞏思溫每名給錢三貫作營業資本並給三日口食分別遣發城關十五名留光集八名黃陵集五名韋城集五名荆隆工集五名新安店集二名馮村集五名

十二年夏雨雪秋七月軟蟲生傷田禾

十四年四月營混郭某率游匪盤踞留光集河南督理遣旅長胡景銓討平之先是營混郭某假名團長收編游匪兩營盤踞留光集蹂躪地方圖謀不軌縣長卓立稟請河南督理岳維峻派遣旅長胡景銓率兵三營會本縣民團將留光集包圍計誘渠魁出寨當場擊斃并擒獲餘黨數十名帶縣正法地

封邱縣續志

卷一 通紀 民國

八

開封新豫印刷所承印

方得以安謐

十五年夏大雨土匪吳秀山聚衆吳寨謀襲封城知縣畢升垣剿平之

知縣畢升垣以吳匪猖獗縣隊力薄難資敵禦乃將全縣劃爲十三區每區出丁三十名督率進剿擒吳秀山及餘黨數十人梟首示衆亂乃平

十六年正月二十六日奉軍旅長郜汝廉率兵過境

時因黃河懸阻無船可渡駐封許久方去

二月大雨奉軍軍長萬福林率兵三萬過封

五月潰軍竄封鄉團追擊不克死者四十餘人

是年五月有大批潰軍自曹崗蘭封兩口渡河竄入封境沿途拉夫奪財搶劫牲畜鄉團追擊戰於縣南水車里不克死者四十餘人

七月游擊司令薛嘉斌執其旅長王殿臣殺之

河南游擊司令薛嘉斌率領部衆肅清豫北甫駐封其第二旅旅長王殿臣尅扣軍餉事實敗露且不遵紀律干犯軍法嘉斌撤其職而殿臣不能引咎伏罪反率衆持械相抗巷戰數刻殿臣被執正法士卒繳械

八月三日五十三師師長王鴻恩駐封尋移道口

十一月二十九日直魯軍團長譚瑞璋進兵封邱十二月北去

十七年春廢偶像以廟產辦學校

十八年十月大兵兩次過封

河南陸軍二十師迫擊炮團第一團團長張樹林營長陳邦傑督率迫擊炮兵一團步兵一營到縣駐紮未幾南開又有第二軍營長吳元興於二十九

封邱縣續志

卷一

通紀

民國

九

開封新豫印刷所承印

日率兵過境

十九年三月八日第二十師師長孫桐萱率兵過境

二十七日第四方面軍過境至十月復由封退歸新鄉

九月二十五日劉桂堂率師兩萬過封

二十年旱麥秋歉收

七月新編三十五師師長崔邦傑率所部萬餘人駐縣兩日開赴長垣

二十一年春疫人多死

二十二年八月河水陡漲越華洋堤直灌封境蠲緩田賦

是年八月十一日河決柴房大莊漫華洋堤縣屬四五兩區及臨河一帶俱被淹沒波及第三區十餘村水退後平地沙澱八九尺許壞良田兩千餘頃

縣長姚家望電請急振國民政府黃河水利委員會派員楊名聲同省振會
杜振亞來縣查驗施放振衣振洋約共二萬餘元蠲免丁地銀元六千三百
八十八元四釐緩征丁地銀元二千三百二十六元三角七分六釐
二十三年八月河復決貫台口封境被災上派孔祥榕堵塞之蠲緩田賦
是年貫台決口亦於八月十一日水帶全河十分之七出口門折而西流有
直衝封城之勢縣長姚家望及臨時救濟水災委員會委員張鳴珂王寶善
齊倫等迭報險工上派孔祥榕到口堵塞全縣捐米在各區設立收容所上
海義振會暨河南省振會前後到縣施放振洋四五萬元蠲緩丁地銀元一
萬一千八百五十五元三角九分四釐緩征丁地銀元三千二百四十六元
八角二分二釐

二十四年四月貫台口合龍築貫孟堤七月河復決店集等村蠲緩田賦

貫台口於四月十一日合龍黃河水利委員會決議以工代振築貫孟堤以
資防衛至七月河復決店集雙王沙窩蘇莊武樓等村此堤修至雙王而止
蠲免丁地銀元一萬三千三百二十四元三角九分四釐緩征丁地銀元一
千六百七元八角八分六釐

二十五年國民政府發帑二萬二千元堵店集等口並加幫華洋舊堤

夏秋大旱田禾歉收麥未播種

二十六年四月大風晦

是月十日北風起次晨黑紅風大作白晝爲暝至晚方息

八月地震大雨成災

是月一日自丑達申地震五次二十七與三十兩日復震未滿匝月地震凡七又兼霪雨月餘全境頓成水國田禾盡沒城鄉房屋倒塌無算